



Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

§. XXXI. Cælum Sacris functionibus favet.

[urn:nbn:de:hbz:466:1-47773](#)

bicum se recipit, & periclitantium incolumentem D^EO
quām potest studiosissimē inter gemitus ac suspiria com-
mendat, propterea quōd illos in discrimen causa tam sancta
conjecisset. Dum ille sic orat, navis, aquarum impetu
abrepta, in modico arenæ cumulo, qui in medio fluminis
extabat, hæsit immobilis, & adductis è ripa jumentis va-
riis cuncti incolumes ad alterum littus evasere. Sed præ
ceteris infantis, quem diximus, fors admirationi fuit: hunc
enim cùm per ducentos ferè passus fluminis vis deorsum ra-
puisset, vivus subinde integer & latus emersit, sic matri
sux ingenti omnium gratulatione & plausu redditus.

§. XXXI.

Calum Sacris functionibus favet.

Haud paulò crebriùs divini protectio Numinis in fœdis tempestatibus sedandis se exeruit, unde vix unquam tot annorum lapsu necesse fuit Sacras has functiones interrumpere. R. D. Josephus Blanchinus Sacerdos Placentinus, qui longo tempore individuus comes P. Paulo in sacris Expeditionibus ingenti proferendi divini honoris studie adhæsit, affirmat se hoc in genere observâsse eventus plurimos per quam prodigiosos, sic ut jam velut consueti admirationem nullam parere viderentur. Cùm ad urbis Carpī mœnia sub dio P. Paulus ad concionem diceret fœda admodum tempestas oborta est, & quotquot aderant (aderant autem plura millia) Auditores territi de receptu circumspicabant. Addidit iis animos Pater, jussítque in loco subsisterē. Sublatis dein oculis ductisque in crucis formam manibus bene precatus est aëri: perrexit autem latè circum ca-

dere nimbus densissimus, quamdiu Pater præsentes est allocutus, siccis omnino omnibus, qui dicenti operam dabant, videbanturque sibi Noetica velut Arca in Diluvio, seu Cataclismo versari. Mirum hoc, sed mirius quòd solutâ concione, & digressis Auditoribus ipse ille, quo steterant, locus densissimâ cadente pluviâ fuerit undique inundatus.

Brixieni in ditione jam Pœnitentium agmen suos in ordines tribuebatur, cùm obducto nubilus cælo, quin & aquis jam cadentibus, actum videbatur omnibus de Supplicatione tum ducenda. Sed P. Segnerus ad Templi januam progressus, cælumque contemplatus, ardenti cum gemitu, hoc, dixit, Malii Dæmonis opus est; inchoetur tantum Supplicatio, & cuncta prosperè succendent. Nec aliter ac dixerat, res cessit. Momento temporis desit pluvia, donec perducta ad finem sacra functione, & populo domum reverso, cælum largissimum imbre effudit. Alias dum ruri verba ad populum faceret, repente atris è nubibus grando effusa est tam non solita, ut nuces magnitudine æquaret, & cùm Auditores non haberent quò se verterent, Patrem respectabant, tanquam opis aliquid ab ipso in tam præsenti discrimine poscentes. Ille nil consternationis vultu præferens, fixoque in DEUM animo ad fiduciam erigere eos cœpit: & rite precatus aëri turbinem cum grandine momento dissipavit. Fuit & illud amœnum prodigium, quod Fraxinorum Dioecesis Mutinensis oppidum spectavit, & in Relatione Mutinæ typis excusâ legitur. Augusto mense fervente Caniculæ fidere ultima post Pœnitentium Supplicationem Concio erat habenda, & quia regio omnis illic aperta est, non suppetebat locus aptior, quam collicus aliquis ferventissimi Solis radiis expositus, unde qui aderant jam præcedentibus functionibus fatigati, calores passuri

paffuri erant intolerandos. At ecce cùm vix consedissent audituri, videre fuit mirandam nubeculam imo ab horizonte ascendere, quæ cùm mediam se solem inter & audiennes interposuisset, stationem eam tamdiu tenuit, quamdiu Pater dixit; perducta autem ad finem concione, confestim dissipata est, cunctis attonitis, & divinam admirantibus benignitatem, tam manifesto indicio ostendentem, quantum sibi ea clientum suorum obsequia probarentur. Neque illud minus divini favoris argumentum fuit, in conventibus tam frequentibus, & in tanta concurrentium è variis etiam gentibus, commixtione nullas unquam aut lites, aut rixas obortas esse, quibus aut cædes, aut vulnera saltem graviora sequerentur; quæ tamen mala è cœribus tam numerosis ferimè proveniunt, nec ullâ ferè industriâ evitari satis possunt.

§. XXXII.

Ægros multos sanat P. Segnerus.

VT tamen authoritatis plus, non tam laboribus, quām ipsi tam fidi Ministri personæ conciliaret Numinis supremi clementia, dignata est illi variarum ægritudinum percurandarum virtutem conferre. Penes me est ingens catalogus morborum hac ratione sanatorum, sed plerisque hic omissis, paucula tantum juvat ejus rei exempla afferre. Illustrissimus Balthasar Xaverius Cataneus, filius Principis S. Nicandri, affirmat juratus se anno 1688. in litorali Reip. Genuensis tractu periculosis anginâ laborâsse, quæ celeriter illum, à Medicis depositum, mortis fauibus admoverit. Rogatus P. Segnerus, qui commodum tum

Aposto,